

敕修陝西通志

第五
卷十冊

陝西通志第四十四卷

物產二

草屬

木屬

禽屬

獸屬

鱗屬

介屬

石屬

草屬

著

著生滿百莖者其下必有神龜守之其上常有青雲覆之

史記龜策

傳

周文王陵在畢原上陵生著草衍易者恒取諸此

咸陽縣志

芝

有芝生甘泉殿九莖青色綠葉朱實夜有光乃作芝房之歌

三輔

黃

白芝生華山

名醫別錄

蟾井在白鹿觀中

在臨潼驪山

有一金色蝦蟇三

足賀蘭先生見之曰此肉芝也烹而食之白日飛昇

拾遺記

四皓避

秦入藍田山採芝而歌曰燭燭紫芝可以療饑

纂要

道經云斗山

在城

固

有五穴穴有肉芝卽千歲蝦蟇得而食之可延壽

雍勝畧

寶鼎山

在褒城縣

產芝草

明一統志

明世宗詔采芝鄠縣民聚芝百八十本爲山以

獻內有莖一尺八寸者數本號曰仙應萬年芝山

湧幢小品

白芝一名

玉芝

雍勝畧

四皓茹紫芝形似芝而味苦性質堅重食之耐饑

商州志

杜若

杜衡杜若出漢中大者大善

范

若杜若

上林賦注

出漢中

事文類聚

蘼蕪

被以江離糝以蘼蕪

上林賦

蘼蕪一名江離芎藭苗也生雍州

川澤

名醫別錄

上林言江離蘼蕪似非一物蓋嫩苗未結根時則為蘼

蕪既結根後乃為芎藭大葉似芹者為江離細葉似蛇床者為蘼

蕪

本草綱目

出雍州葉似蛇床而香

馬志

薰草

浮山有草焉名曰薰草麻葉而方莖赤花而黑實臭如蘼蕪

佩之可以已癘

西山經

掩以綠蕙

上林賦

張揖曰蕙薰草也

上林賦注

一名

蕙草

名醫別錄

一名香草一名燕草

本草綱目

鄜州出如茅而香

馬志

藹車

揭車衡蘭

上林賦

郭璞曰藹車一名芑輿香艸也

上林賦注

留萸

雜以留萸

上林賦

張揖曰留萸新萸也善曰王逸楚詞註曰留

萸香草

上林賦註○按留萸史記作流夷

蘭香草也

薛綜西京賦註

漢時池苑種蘭以降神

西京雜記

霍定與友生

曲江以千金募人竊貴侯亭榭蘭花插帽兼自持往羅綺叢中

之士女爭拋擲金錢

曲江春宴錄

一莖數花出南山

咸寧縣志

絕類建本而

精神丰采過之

洋縣志

入夏始放一莖十數花清芬撲鼻

沔縣志

棣花

山出

商州志

蘭幾遍山谷俗以多殊不貴之

雒南縣志

一莖一花幽秀芳

香

商南縣志

不似建蘭而香無異城東有之

山陽縣志

真珠蘭

一名魚子蘭花開成穗蓓蘂如珠其香甚濃

廣羣芳譜

南鄭有

魚子蘭

南鄭縣志

芍藥

出三輔

范子

一名將離

董子

勝州榆林郡土貢芍藥

唐書地理志

白者

名金芍藥赤者名木芍藥世謂花相

本草綱目

今三原亦有之

馬志根資

藥物

咸寧縣志

赤白二種

咸寧縣志

金盞花

花之四季開者蘭桂之外有長春菊

學圃雜疏

花大如指頭金

黃色狀如盞子四時不絕

救荒本草

金琰一名長春

延綏鎮志

剪春羅 二月生苗高尺餘夏開花六出周迴如剪成可愛

本草綱目

名剪紅羅入夏開深紅花如錢大

廣羣芳譜

剪紅羅山中多

山陽縣志

石竹 石竹二種單瓣者名石竹千瓣者名洛陽花

延綏鎮志

石竹花山

中多

山陽縣志

瞿麥即石竹子

府谷縣志

瞿粟花 出膚施縣馬志米囊即瞿粟花有千瓣五色其粟可作腐又

有一種小者名懶擡頭又名滿園春千葉者佳

延綏鎮志

麗春即瞿粟

山陽縣志俗名萬世蓮又名米囊

葭州志

虞美人 褒斜山谷中有虞美人艸狀如雞冠大葉相對歌唱虞美

人曲則兩葉如人拊掌之狀頗中節

賈氏談錄

萱花 萱名忘憂說文一名宜男花葉可食

咸寧縣志

萱花土人取作菜名

黃花 鹿葱即萱草山中多有之

山陽縣志

蜀葵

戎葵今蜀葵

西京賦註

惟茲珍草懷芬吐榮挺河渭之膏壤

井之元精

陳虞繁蜀葵賦

葉似葵葉而大有岐花似木槿而大有千葉

葉之異

本草綱目

黃紅白紫色類不同莖葉亦異皆向日

咸陽縣志

俗名一

丈紅

扶風志

一名戎葵

延綏鎮志

有十餘種色千葉者甚佳

山陽縣志

俗呼爲

大葉花

淳化縣志

錦葵

叢低葉微厚花如小錢文彩可觀色深紅淺紅淡紫皆單葉

廣羣芳譜

種多嫩葉可茹

商州志

菟葵

似葵而小葉狀如藜

嘉祐本草

劉禹錫復遊元都觀惟菟葵燕麥

動搖春風耳

纂要

山丹

百合紅者爲山丹

食療本草

隴州產

寰宇記

葉似柳葉四月開紅花

六瓣不四垂結小子

本草綱目

色赤葉若胭脂五月間山澗水湄最蕃

艷

安塞縣志

卷丹 莖葉同山丹而稍長大花六瓣四垂本草綱目高如萱花花大如

碗瓣俱反卷一葉生一子名回頭見子花廣羣芳譜鳳翔出鳳翔縣志

金鳳花 卽鳳仙人家多種之莖有紅白二色花或黃或白或紅或

紫或碧或雜色本草綱目指甲花卽此延安府志俗名指甲花十餘色不同

山陽縣志

玉簪 六七月抽莖莖上有細葉中出花朵十數長二三寸本小末

大未開時正如白玉搔頭簪形本草綱目武帝寵李夫人取玉簪搔頭

後宮人皆效之玉簪花之名取此廣羣芳譜有紫白二種山陽縣志

荷花 漢昭帝琳池中植分枝荷一莖四葉狀如駢蓋日照則葉低

蔭根若葵之衛足名曰低光荷實如元珠可以飾佩花葉雖萎芬

馥之氣徹十餘里食之令人口氣常香益人肌理宮人或剪以爲

衣三輔黃圖張揖曰蓮根則藕上林賦注昭帝柳池有芙蓉素色大如斗花

葉甘可食

藝文初學記

明皇太液池有千葉白蓮秋盛開帝與貴戚

賞焉

開元天寶遺事

德宗貞元十八年西內神龍寺前水渠生合歡蓮其

花一莖兩房

文苑英華

京兆貢藕粉

唐書地理志

雍州產藕粉

寰宇記

崔遠家

聖在長安城南就中襖池產巨藕相傳曰襖寶又曰玉臂龍

清異錄

華山頂有池池中生千葉蓮花長十丈藕如大船服之羽化

物類相感

志蓮有紅白二種近有晉人於高橋種數十畝花開香聞十里取

房藕市城中

咸寧縣志

西番蓮

花淡雅似菊自春至秋相繼不絕春間將藤壓地自生

廣羣

芳譜○按延安府及府谷神木志皆載有是花

向日蓮

花色或黃或白葉浮水上翠厚而澤形如菱花差大開則

隨日所在日入輒斂而自藏於葉下

廣羣芳譜

長安有之

長安縣志

秋葵

與葵相似故名秋葵朝夕傾陽此葵是也

廣羣芳譜

葵一種黃如

盤曰向日葵又名固本花

淳化縣志

菊花

生雍州川澤

名醫別錄

夏萬鈴出鄜州開以五月紫色細鈴生于

雙文大葉之上秋萬鈴出鄜州開以九月中千葉淺紫其中細葉

盡為五出鐸形而下雙文大葉承之

范成大菊譜

終南五老洞碑記墨

菊其色如墨古用其汁以書字

澄懷錄

弘農諸山正秋草木哀謝

山上下水涯籬落皆黃菊大如錢叢生粲然

懸笥瑣探

菊有六月菊小

葵菊九月菊

米脂縣志

千葉者有硃砂紅白蠟瓣紫芙蓉黃金菊單葉

者有紅白藍三種

府谷縣志

蓼花

予又集于蓼○以薊茶蓼

詩經周頌

蓼水草也

毛傳

游龍即水紅花

又名蓼種多

山陽縣志

水仙

唐元宗賜號國夫人紅水仙十二盆

花史

華陰湯夷服花八石

得為水仙

三才圖會

夾竹桃 花五瓣長筒瓣微尖淡紅嬌艷類桃花葉狹長類竹故名

夾竹桃自春及秋逐旋繼開牀媚堪賞

廣羣芳譜

長安有之

長安縣志

珍珠花 莫道長安貧似磬綠苔遶砌盡珍珠

張舜氏珍珠花詩

珍珠花一

名米穀

延緩鎮志

貳金蟬 葉如菖蒲紫萼五出與蟬甚類

廣羣芳譜

長安有之

長安縣志

後姚婆 一莖作蓓蕾開花五六瓣翠色俗云後姚婆者舜母也亦

曰虞美人

延緩鎮志

萬年竹 可供盆景清玩

咸寧縣志

秋海棠 一名八月春花色粉紅甚嬌艷葉綠如翠羽此花有二種

葉下紅筋者爲常品綠筋者開花更有雅趣

廣羣芳譜

長安有之

長安縣志

花汁傷人人指亦傷花

山陽縣志

雞冠 種多處處有之

廣羣芳譜

有紅白二種

山陽縣志

醪醑

唐制召侍臣學士飲醪醑酒

景龍文館記

長安有之

長安縣志

醪醑

生而繁

山陽縣志

薔薇

武帝與麗娟看花時薔薇始開態若含笑帝曰此花絕勝佳

又笑也麗娟遂取黃金百斤作買笑錢奉帝薔薇名買笑自麗娟

始

賈氏說林

有紅白二種取露甚佳

洋縣志

十姊妹

花小而一蓓十花故名其色自一蓓中分紅紫白淡四色

有七朶一蓓名七姊妹

遵生八牋

南鄭有之

南鄭縣志

玫瑰

樂遊苑中有自生玫瑰樹

西京雜記

玫瑰甚香乾可作囊以沙糖

同搗謂之玫瑰醬

延緩鎮志

凌霄

茗之華

詩經小雅

卽今之紫葳蔓生附于喬木之上其華黃色亦

名凌霄

朱子集傳

紫葳出三輔

太平御覽

自夏至秋開花一枝十餘朶大如

牽牛花而頭開五瓣赭黃色有細點秋深更赤

本草綱目

刺藤

絕似玫瑰而無香

學圃餘疏

有紅黃二種

延綏鎮志

月季

灌生人家多栽插之莖葉俱有刺逐月一開四時不絕

廣芳譜

一名月月紅

山陽縣志

棣棠

花若金黃春深與薔薇同開有單葉者名金盃

廣羣芳譜

長安有

之

長安縣志

紫茉莉

花形似茉莉色紫香不及茉莉女人取花汁勻面子肉雪

白作粉冬擦面不皺人呼胭脂粉花

山陽縣志

南天燭

白花密實實若赤珠經霜始艷

咸寧縣志

茅 白茅包之

詩經召南

晝爾于茅 茅叢生荒野間野人刈以覆屋

合璧

事類

有劒脊者根炒麵可食

山陽縣志

蓬

彼茁者蓬

詩經召南

蓬草名也

毛傳

張仲蔚與魏景卿俱隱不仕所居

蓬蒿至于没人

三輔決錄

黃沙極目朔風獵獵中有枯艸團欒佶屈轉

輾于馬蹄之間訊之士人曰轉蓬也

延綏鎮志

綿蓬其子可食凶年多

產

葭州志

沙蓬神木出

神木縣志

白蒿

于以采繁

詩經召南

采繁祁祁

幽風

繁皤蒿

毛傳

凡艾白色為皤蒿今

白蒿春始生及秋香美可食

陸疏

繁即白蒿

山陽縣志

角蒿

菁菁者莪

詩經小雅

莪蒿也生田澤漸洳之處葉似邪蒿而細科

生二月中莖可生食又可蒸

陸疏

莪蒿一名蘿蒿一名角蒿

陸疏廣要

陽有之

山陽縣志

黃花蒿

一名臭蒿一名草蒿與青蒿相似但此蒿色深帶淡黃氣

辛臭不可食

廣羣芳譜

山陽多

山陽縣志

水蒿

言刈其萋

詩經周南

馬云萋蒿也郭云似艾陸璣疏云白色長數

寸高丈餘生水澤中正月根芽生旁莖正白生食之香而脆美其

葉又可蒸為茹

孔疏

萋即水艾蒿

延長縣志

牡蒿

匪莪伊蔚

詩經小雅

蔚牡蒿也三月始生七月華華似胡麻華而

紫赤八月爲角角似小豆角銳而長一名馬薪蒿

陸疏

菰

蔣菰也

上林賦註

太液池邊皆是彫胡綠節之類菰之有米者長安

人謂爲彫胡菰之有首者謂之綠節

西京雜記

出西安陂池蔣草也生

水中葉如蔗荻至秋則爲米長安人謂彫胡葭蘆之米

馬志

蒲

依于其蒲

詩經小雅

維筍及蒲

大雅

五帝廟臨渭其北穿蒲池溝水

漢書

郊祀志

蒲池爲池而種蒲

師古注

符弘先居武都家生蒲長五丈狀如

竹咸異之謂之蒲家因以氏焉

前秦記

香蒲卽甘蒲可作薦者春初

生取白爲菹亦堪蒸食山南人謂之香蒲以菖蒲爲臭蒲也

唐本草

叢生水際似莞而編有脊而柔八九月收葉以爲席亦可作扇

本草

綱目產渭川可作簞笠綆繩亦可飯牛

咸寧縣志

蒲可爲蓆居人不能止

知爲炊薪

咸陽縣志

蘆

彼茁者葭

詩經召南

葭蘆也

毛傳

亦名葦

朱子集傳

葭蘆之未解籜者長安

人謂之紫葦

西京雜記

長丈許中空皮薄色白者葭也蘆也葦也

本草綱目

三川間多有

咸寧縣志

狀似竹而葉抱莖生有節無枝種水澤傍秋採

以織蓆

咸陽縣志

蘆俗呼羽子

山陽縣志

下地宜葦

中部縣志

荻

薰葭蒼蒼

詩經秦風

八月荏葦

幽風

亂為荏

毛傳

葦似荏而細高數尺陸

璣疏云薰水草也堅實牛食之令牛肥彊○初生為葢長則為亂

成則名為荏

孔疏

短小于葦而中空皮厚色青蒼者葢也亂也荻也

荏也其最短小而中實者薰也蘆也皆以初生已成得名其身皆

如竹其葉皆長如箬葉

本草綱目

三川間多有中蓆箔用

咸寧縣志

荇

參差荇菜

詩經周南

荇接余也

毛傳

白莖葉紫赤色正圓徑寸餘浮在

水上根在水底與水深淺等大如釵股上青下白

陸疏

春光淡沲秦

蒲芽白水荇青

杜工部集

荇與蓴一類二種葉徑一二寸有一

缺而形圓如馬蹄者蓴也似蓴而稍尖長者苔也並夏月開花

黃白二色

本草綱目

蘋

于以采蘋

詩經名南

蘋大萍也

毛傳

蘋今水上浮萍是也其大者謂之

蘋

陸疏

葉浮水面根連水底莖細于蓴苔葉大如指頭面青背紫有

細紋四葉合成中折十字形合如田字夏秋開小白花故稱白蘋

其葉攢簇如萍故爾雅謂大者如蘋也又項氏言白蘋生水中青

蘋生陸地按今之田字草有水陸二種陸生者多在稻田沮洳之

處葉與白蘋一樣但莖生地上高三四寸不可食

本草綱目

萍

萍氏掌國之水禁

周禮秋官

小者曰萍季春始生

詩經陸疏

水萍出三輔

色青者藟

范子

一種面背皆綠者一種面青背紫赤若血者謂之紫

萍

本草綱目

三月三日採陰乾以沐浴生毛髮

咸陽縣志

藻

于以采藻

詩經名南

魚在在藻

小雅

藻水草也生水底有二種其一種

葉如雞蘇莖大如箸長四五尺其一種莖大如釵吸葉如蓬蒿謂

之聚藻扶風人謂之藻聚為發聲也陸疏漢武昆明池中有水網藻

枝橫側水上長八九尺有似網鳧鴨入此草中皆不能出因名西陽

雜

菅

白華菅兮

詩經小雅

茅菅白華一名野菅

爾雅

菅似茅而滑澤無毛根

下五寸中有白粉者柔靱宜為索漚乃尤善陸疏郭璞曰菅茅屬京西

賦

一名巴芒俗訛作霸王菅

山陽縣志

漢池旁產管子草可製汗衫鄒陽

縣志

蒯

蒯亦菅之類

左傳杜註

聲類曰蒯草中為索

西京賦註

荒

說文曰荒東蟲

西京賦註

荒草名葉似蒲叢生

集韻

朝事之豆其實昌本

周禮天官

昌本菖蒲根切之四寸為菹

周禮註

菖蒲道

呂氏春秋

漢武帝扶荔宮有菖蒲百本

三輔黃圖